

三怡堂叢書

豫變紀畧

三

三台堂藏書

卷之四

五

商邱鄭廉著

豫變紀略

浚儀許鈞題



月士

桀戌

竣丑

彭序

明末闖賊之禍流毒海內而於吾中州尤慘酷父老相傳至今懷悸鄉先生鄭石廊幼陷賊中間關得脫其於時事皆所目擊鐫閉棘籬追維紀事於諸書不無鉏耨要之歸於實錄敝笥淹久半飽脉望茲爲輯而梓之以垂永久庶使覽者歎當時之喪亂幸今日之太平可以動君子之鑒觀哉細民之匪辟是有功於世道非僅以博舊聞也
乾隆八年癸亥夏青原山人彭家屏題辭

（The text in this section is extremely faint and illegible, appearing as vertical columns of characters within the main body of the page. It likely contains the main body of the document, possibly a list or a series of entries related to the title.)

自序

豫州天下腹心也四方視以爲治亂焉東接徐魯西通秦
晉北達燕趙南控吳楚地方千餘里而梁綰轂其間天下
有事則四戰之地也自梁以東抵芒碭曰宋無高山大澤
土地平衍宜桑麻五穀其民務稼穡而不喜蓄聚士大夫
又多以衣服飲食宮室輿馬相尙故其俗驕侈卒有水旱
之虞則糠覈不給矣然尙文重於爲非蓋猶有先王之遺
風焉崇正改元豫之承平久矣閭里甯謐無鷄鳴犬吠之
警而宋歲大稔畝數鍾輸銀三分居官者崇廉節尙不知
有暮夜之金吏猶無過村落而索飯者歲暮老農衣大縑

騎牝馬讌集進錢百則儼然上客矣士大夫之家居者率爲樓臺園圃池沼以相娛樂近水則爲河亭游舫畜歌妓弄絲竹花晨月夕酣讌不絕風流吟嘯彷彿晉人其有或樸魯而不爲放達者則羣起而非笑之曰傖跡其風調蓋亦不減於竹林也物極則變氣盛則衰自古有然況在熹宗七年之後乎朝廷之上朋黨相角如漢唐之故事尋洛蜀之覆車日盛月新牢不可拔其合者則援而引諸要津不合者擠而置諸危疆英主之前公然煬竈而君始不信其臣矣君愈疑則黨愈固或結宮闈以伺變或通宦寺以梯榮賢人君子如郭泰鄭肅者極少誰則爲國家任事者

乎在上者雖衡石程書日昃不遑食無益也君子爭於朝
小人爭於野尤而效之又何誅焉而天下自是亂矣商邱
鄭廉識

自序二

天下亂不足患亂矣而無撥亂之人之足患也撥亂之人
既不可得幸得其人而朝廷左右則又惡其形吾之短多
方撓礙務必使之無成而後已如劉翰林之綸憤極請爲
將帝悅卽改爲總兵官未幾一戰而死廷臣相賀曰老劉
死矣蓋哂其不能泄泄沓沓而自取滅頂之凶也快之也
真定張撫軍其評耄歲入援夜半墜馬而軍中不知行二
十餘里乃覺嗚呼壯猷元老果如是乎特無一石過山銀
故不能解免耳當是時銓部之用人不過以疆場僥倖而
已初不問經國之遠猷也慟哉錢監軍之告哀於劉司空

也曰濫竽魏麾拮据狗馬幸得量移弛茲苦擔不謂當事者竟投之不測危疆也任重千鈞身輕一葉姑不必論然必有利於國方可奮不顧身顧使晉釋衿帶事甲冑棄毛雖雜金革執事謂晉能乎否耶監軍躍馬從戎是其職分晉生長澤國不習騎乘倩人跨馬不數武而岌岌欲墮如此伎倆而立將吏之上可督其用命否乎抑經畧與兩路監軍介馬而馳而晉可安車緩步否乎晉不勝任塗之人無不知之顧念辭難避險豈是鬚眉男子而晉家海國一切防汎事宜頗有睹記欲於津萊水衝少展一割但恐拂經臺之意不知中路之於津萊其屬經臺之提衡一也其

有事於督戰不得規避一也其危險無異於內地一也不過習騎習水之有分耳倘借鼎於主爵之前使晉不能效之陸塞者猶能問之水濱則是晉報國家報知己之日矣不然而責晉以素不相習之事置晉於一無所濟之場與其償事而伏法何如束身而受譴乎夫軍旅之事孔子未學陳力就列人臣大義如驅之必敗之地而以三尺尾之諒非聖主所以待循吏也或使之進而效洩勃於內地或使之退而安樗櫟於里門化工自有安頓總非短牘所能逆丐嗟乎所謂媚嫉以惡而違之俾不通者非耶儒者作用能言未必能行即使如其所請未必奏功而况使吳兒

乘馬燕客操舟棄所長而用所短雖韓白復起殆無一濟
者矣在位諸公以國予敵則明之亡久矣不待甲申三月
而社始屋也

自序三

明室之亡於流賊也其弊有二一曰文法一曰因循而流賊可平之機有三其必不可平之勢有五可平之機一在秦一在豫一在楚方其在秦也賊初起度其勢尙微戰具必多未備雖千百爲羣者不可勝數然烏合之衆其勢不堅以官軍臨之必披靡奔赴險阻逃匿况秦地多崇山峻嶺賊以守爲守我以守爲攻賊寡兵衆固可扼而勦之也縱之入豫則平原千里東西南北唯所往而莫禦矣雖然將果得人如正德間彭總督澤者介而馳爲諸將先日夜數百里隨其所往而追之將何患不用命賊亦何患不滅

而乃文臣不能攬轡武士不肯絕弦養癰豢虎賊勢所以日大也元巡撫默洪總督承疇患賊難制乃欲盡驅入秦而剿之尙可得乎固不但壑鄰之嫌也旣而賊入卽楚亦與在秦無異楊閣部嗣昌十面殺賊之議籌畫甚密極有條理當時有稱其滴水不漏者誠爲知言然而犄角諸將安得皆如文弱其人乎所以志雖決而身徒殲也此機旣失天下事不可爲矣所謂流賊必不可平者何也流賊所遇之丁壯卽其兵而不煩徵調一流賊所遇之蓋藏卽其餉而不用輓輸二遇官軍能戰則戰墮城覆軍其勢益強而無人得繩以法三不能戰則走雖棄其輜重斬獲其老

弱彼所過剽掠二三日旋復其舊我軍已不能問其所往
四其一時將帥習於養寇皆不肯殺賊而受命視師者率
書生憚矢石不能跨鞍馬武士輕之不為用命雖一二獲
捷終不能成功五嗟乎其可平之機皆失之矣而其必不
可平之勢又聽其自然而不能大有所變更以為之計癰
潰河決而猶拘文法豕突狼窺而尚務因循今日遣一將
明日命一督上曰平流賊下亦曰平流賊嗟乎吾不知流
賊果何以平也當其時使督師皆如楊嗣昌總督皆如洪
承疇盧象昇孫傳庭總兵皆如曹文詔虎大威左良玉曹
變蛟猛如虎尤世威周遇吉賀人龍黃得功高傑等雖或